

Crauro. Schol. Univ. Tzylk.
Promotiones Philo. Ord.
1645 13 gebis 5.



1200 kat.komp.

I. Mag. Si. Dr.


P

Wolodki Matthiae Michaelis: Vindication
Helionis Sarmatii botris autumnar-
ibus efflorescenti. Ingenuis Adolescen-
tibus, primam in Philosophia laurca
capessendibus - demonstratum.

Biblioteka Jagiellońska



stdr0001085



VIRIDARIVM Heliconis Sarmatici.

Botris Autumnalibus efflorescens.

Ingenuis Adolescentibus, primam in Philosophia lau-
ream capessentibus.

Decanatu

Excellentiss. ac doctissimi Domini.

M. ALBERTI RAYMVNDI
S T R A Z Y C.

Philosophiæ Doctoris, Collegæ Minoris &c.

Promouente.

Excellentissimo Domino

M. MARTINO SŁONKOWICZ

Collega Minore, Contubernij Iagel-
loniani Seniore.

Demonstratum.

Et per
MATTHIAM MICHAELEM WOLICKI. Eius-
dem Laureæ Candidatum. Publicatum
Anno Domini 1645. 13. 8bris.

C R A C O V I A E.

In Officina Christophori Schedelij. S. R. M. Typ:

IN STEMMA
ILLVSTRISSIMÆ SŁVSZKARVM
domus.



Lunarum in medio quid sit? perpendite. Mucro est.
Słuszkarum domus hoc nobile Stemma gerit.
Ille fugat Patrijs diros de finibus hostes.
Lunæ virtutum lucida signa notant.

NICOLAVS SZVLC,
Stud. Poet.

1200 I



Perillustri ac Magnifico
Domino.

D. SIGISMVNDO
SŁVSZKA.
Palatinidæ Troceñ: Homelieñ:
& Propoyscen.
CAPITANE O.

Domino & Fautori obseruandissimo.

Hortorum amenitate forſitan delectaris: PER ILVSTRIS AC MAGNIFICE DOMINE: quem admodum ex Iconibus eorundem apud te perspexi. Nec sanè aspernandum. Siquidem eorum amēitas animis oblectamenta adfert, curas de pectore pellit, ipsam denique imbecillem reficit valerudinem. Hortus est Alma hæc Cracoviensis, Academia, cuius ea est præstantia, vt Sarmaticam hanc regionem, olim barbaram, odore suo non tantum illustrauerit, sed etiam ceteris reddiderit laudabilem. Erectorem huius vide: Rex

1200 I

1200 I

Præfatio.

Rex fuit: & iam non regibus, sed Diuis adscribendus, omni semper celebrandus memoria. Hic operarij Professores assiduo ingeniorum suorum studio, crescentes quotidie figunt palmites, uberrimos produnt fructus, iuuentus flores legit nobilissima, quod & Ecclesiae ornamento, patriæ sua adiumento, ceteris denig solatio sit eximio. Ea etiam mens fuerat Illustrissimi Tui Parentis, ut te ad tam celebre Musarum Sarmaticarum ablegaret Viridarium. Quod ego tibi animo ipso dedicare decreui. Tibi visum est (inquam) dedicare: nam & ingens humanitatis tuae signum in me est, & candor animi singularis, quo ut semper in me esses, semelfactus es.. Ego quidem gloriior, & me felicem existimo. Magna est Illustrissimi Parentis Tui gloria, ut honores, stirpe & Nobilitate Sua promeruerit. Vniuersae tuae familiae splendor summus. Stemmatia ipsa testimonio sunt. Qui Mucrone Vestro Othomanicas dissecasti lunas, ut hucusq; in medio earum fixus conspiciatur: gloriosum semper ipsis posteris relicturi opus. Quo & Tu PERILLVSTRIS AC MAGNIFICE DOMINE ut celebrior fias, florentissimum hoc Sarmatiæ Viridarium, Tibi à me consecratum beneuolo mentis affectu suscipe, eumque Mucrone Tuo defende. Delectare suauissimis ex eo odoribus: & quanto carior & dulcior patriæ fieri possis, tanto ubiores ex eo percipias fructus. Ostende te creuisse, hinc semina aliqua sunt, virtutibus. Quod ego tibi appreco submisse.

Perillustris & Magnifice Dominationis Tuae.

Seruitor humillimus,
Matthias Michael Wolicki.

Floren.

FLORENTISSLIMÆ PARENTI
ACADEMIAE

ODE Monocolos.

Mater Lechiadum, fulgida laus Craci,
O & Pieridum fons Academia.
Sunt qui te Phrygiam cum pretio ratem,
Fortunam gremio Lechiaci soli
Portantem volucri sic animo ferunt.
Sunt qui te celebrant carmine regiam,
Reges quippe decet vox sapientæ.
Altricem iuenum, qui penetralia
Diuorum vocitant, hic iuuenes decus,
Et Diui capiunt cælicolæ locum.
Sunt quos ferre tibi montis Olympij
Nomeñ, siue domus Castalidum, iuuat.
Fulges Sarmaticis splendida nam polis,
Et palmam Aonis præripis artibus.
Ensemque intrepido prouida militi
Das. Paucis referam, tu toga, tu sagum.
Me delectat odor, nomina prouocat

A 3

Horti

Horti danda tibi, vel redolentium
Florum, palmitibus conspicuæ domus,
Es sane Hesperijs cultior hortulis,
Flores eliciens dulcia germina.
Hic carpunt iuuenes poma fragrantia,
Hic Phæbus roseus floribus affluit.
Hic & doctificus gaudet odoribus
Hortus, delicias cuique dabit suas.
Ergo fructiferis, consite vitibus
Florescas roseis floribus ætheri

Dino Tutelari

IOANNI CANTIO Academico Patriarchæ.

ET
Vigilantissimo Viridarij huius Custodi.

O DE Dicolas Tetraspheros.

Dile, quem sacra colit æde Cracus,
Cuius ad claram veneratur vrnam
Corporis casti cineres, piaque
Voce fatigat.

Qui

Qui tenes cælis placidæ quietis
Littus optatum : nimis inquieto
Emari mundi exiliens, beatam &
Aspicis arcem.

Quo nec insani Boreæ tumultus,
Nec furor nubes glomerantis Austri,
Permeant vñquam, manet ast perennis
Aula quietis.

Quo locus cuncti vacuus pericli
Sæua fortunæ nimium furentis
Tela contemnit: fruiturque pacis
Lege Beatæ.

Supplici seruit tibi corde Lechus
Te suis patrem vocat in periclis
Atque Patronum, tibi dat Sabæi
Thuris odores.

Te per excelsas cupit adnotari
Vrbium turres, niueasque Craci
Ciuium sedes, tibi casta tumbam
Turba coronat.

Tecoruscantis tenet aula cæli,
Nos molestarum varia tenemur
Mole curarum, dubiique surgunt
Vndique casus. Sub-

Barbaras nostris procul ipse pelle
Finibus turmas, fugiantque prædæ
Quos famæ angit: celer hos sub vndis

Obruat Ister.

Summa sit nostri tibi cura regni,
Nos tuâ fulci prece, qua fatigas
Virginem Sanctam, Dominumque cæli
Cuncti potentem.

Tu decus nostrum nitidumque Sydus
Peruigil custos referentis horti
Artium fructus; Academicī tu
Gloria Lauri.

Donec vmbrosis Heliconis aruis
Concinent dulces iterando cantus
Virgines Musæ, tibi magna semper
Carmina surgent.

Quam diu florens Academicorum
Hortus in Lechi regione pulchros
Proferet fructus tua viuet omni
Tempore fama.

Subueni magnis Pater alme rebus
Te vocat fundens pia vota Lechus,
Et tibi pubes generosa Lechi
Carmina pangit.

Cer-

I Cernis, vt fæde Scythici molossi
Russiae pingues populentur agros,
Eruant vrbes; rapidoque rura
Igne cremantur.

ODE Dicolas Distrophos.
Excellentissimo ac Doctissimo D.
Philosophicæ facultatis **DECANO.**

TE iuuat aprici Splendor cum fructibus horti,
Clarum Sydereæ Strazycii
Artis; tunc concessa tibi sunt munera Floræ
Plurima, nec parum tibi prodest
Sydereas quæsisse domos, ac mente rotundum
Percurrisse polum memorando.
Claret conspicuus sic primus Broscius horto,
Vt Cedrus Libani velvt alta.

Gratus & ancipitis (quamuis post funera) iuris
Pudlouius celebratur abunde.
Sydereæ præstans laudatur & Hercius artis,
Tam nitidos producit odores.
Et tu fragrantis florebis palmitis instar,
Fructifero laudandus in horto.

Enhor-

B

En hortus præbet laudis iam signa futuræ,
Quam læta tibi voce precamur.

Excellentiss: D D. Examinatoribus *ODE Dicotos Distrophos.*

Celebre gaudet aureis satis genus
Trucis Iapeti floribus
Hortusque tantis vitibus per æthera
Fertur renidens : Sed magis
Pomona Craci cum suis celebrior
Fulget nitetque vitibus,
Per æquitera non tacendis tempora.
Si vis virentes arbores
Viret diserta SLOMKOVII facundia,
Si fructuosas palmites,
Fructus feraces cernes WIECZORKOUIJ.
Si quæris atque nobiles
Sacrata palmes conuenit Krasnicio,
O Floridantes palmites
Tanti vireti, quæ fragrantes mentibus
Fructus & aureos datis.
Perennis Vestra laus vigebit hortulo
Hortusque tam clarus satis.

VV. DD.

VV. DD. Candidatis primæ

Laureæ. ODE.
I Am quicquid placidum protulit æthere
Ortis Ver referans prata Fauonijs.
Quicquid spicea tostis
Æstas frugibus attulit.
Cunctis pampineus possidet affluens
Autumnus, grauidus versicoloribus
Pomis, nunc vigil vuas
Carpit, nunc Cerealia.
Hospes dona legit, pomaque pendula,
Factus arboreos, & redolentia
Gratus munera Bacchi,
Autumnus riguo excipit
Horto, quas tetulit fructiferas opes.
Autumno iuuenes carpite punica,
Botros carpite vini
Nam hortus suavis odoribus.
Carpunt Serta duces, hic sibi florida,
Carpunt Sacricolæ Palladis oleas,
Carpit vinitor vuas
Palmas turbaque militum.

B 2

Et vos

Et vos doctiloquæ Palladis hortulo
Fructus Sacrifico carpite pollice,
Sacram docta Minerua
Poscit prouida dexteram.

I. V. D. SEBASTIANO OBELSKI

S Axosos pete vortices
Cliuosi que iugi Scande cacumina,
Lætus montis Olympij.
Nec non laurigeræ culmina Palladis
 Illic fraga rubentia
Floræ delicias, arboreos leges
 Fætus, præmia Palladis
Splendet docta iugis Pallas in arduis,
 Altis fraga fragrantia
Nascuntur siquidem peruvia montibus.

II. V. D. IOANNI FRYNSKI.

A Ssiduo Studio dulces celebrare Camænas,
Non neglexisti: nunc cape poma libens.

Maio-

Maiores tibi Parnassus vult reddere fructus,
Si bene legeris hic, laurea sarta feres.
Sunt alijs flores: ast fert Academia odores
 Vernantisque rosæ: tum violarum odor est.

III. V. D. ANDREÆ HANNON.

H Orti Sarmatici cupiens dum limina scandis
 Felix crede mihi dulcia vina bipes.
Ad molles somnos Cytharam pulsabit Apollo
 Huc aderūt Zephyri, tum leue murmur aquæ.
Ergo Helicone velis fructus captare secundos
 In Cracio: tua mens hoc tibi monstrat iter.

IV. V. D. ALBERTO RAKOCKI.

V Ides vt hortis poma rubentia
Autumnus omni deses inertia
 Decerpit: ast Conatus iste
 Tendit in ardua diligenter.
Ergo libenter poma rubentia
 Cingens virenti tempora pampino

D₃

Diuos

Diuos Lycæi prædicando

Carpe per assiduos labores.

v. V. D. CYPRIANO STRYCZYN

Ignis aquam, glacies solem, lapis aëra, nolunt
Habere coniunctos sibi.
Dici se Socialem dulce recusat amari
Tu comparare fac queas.
Suauia sunt læto nec suauia poma vireto,
Carpas libenti dextera.
Quæris: quæ possunt dici non suauia poma?
Quæ carpis ardua manu.
Dulcis hæc cura est, Sapientia dulcior illa,
Hæc iuncta sunt semper sibi.

vi. V. D. PETRO KINCZEWIC.

Non idem cunctos recreat nec vna.
Omnibus mens est: alijs amæni
Perplacent fructus alijsque sola
Florida palmes.

Quæ

Quæ placent carpas redolentis horti:
Phæbeam laurum caput ut coornes.

Principum regum decorantur ipsa
Tempora lauro.

vii. V. D. MATTHIÆ FVGASZEWICZ.

Florida nunc virides secum ferat Eggada pal-
mas,
Hic tua palma viret
Quam tibi pro magnis confert Academia curis
Ac vigili studio.
Accipias igitur pulchri nunc Stemma tryumphi
Quod tua palma notat.

viii. V. D. HYACYNTHO STVCKI.

Non iam turgescant lauris, Permessus, & in-
gens
Pæneus: en lauros fert Academus ager.
Hic hortus viridi cinget tua tempora lauro
Ornabitque tuum sic Hyacynthe caput.

Ergo

Ergo tuis meritis magnoq; parata labori
Horto ex florenti laurea serta refer.

IX. V. D. MATTHIAE PIETRASZEWSKI.

Pampinei turgent iam pleno nectare botri,
Palmeſq; colla porrigit.
Carpe, tibi nitidos dulces & carpe corymbos
E tam patente palmite.
Hinc etenim poteris suaves exprimere succos
Mentem & lauare languidam

X. V.D. MARTINO MIERNECKI.

Atlas fructibus inclytus
Nec elata gerat colla sub arduum
Diues terra Calabriæ.
Fert fructus nitidos nunc Academicus
Hortus: qui caperis fame,
Hanc pelles varia fruge scientiæ.
Si prædiuitis hortuli
Descendes sitiens ad Viridaria.

V.D.

XL. V. D. LVCAE ZAKRZEWSKI.

C Erne, ſuum vt laurus tenet in uiolata viorem,
Hortus & iſte viret.
Sic tua ſi ſemper virtus conſcendet in altum,
Laureus inde viror.
Dum te ornat meritum lauris Academia Alumnū.
Constantis precium grande laboris habe.

XII. V.D. MARTINO GOSKI.

Virtutis *dulces* ſi vis cognoscere fructus,
Cognosces quos hic Lechic^o hortus habet.
Inuenies facile & Sapientum crescere fructus,
Carpere quos tua cum virtus & ipsa cupid.

XIII. V. D. STANISLAO IAWORKOWIC.

L Argius nunquam referent quotannis
Tyburis campi speciosa poma,
C Aut

Aut Tylos vites geret, aut olentes
Thura Sabæi.

Vt refert hortus viridans Polonis
Vberes fructus, reficit iuuentus
Quæis Suas mentes, animumque morum
Flore coronat.

Iamq; florescens lege nunc aperto
Lilium in campo: tibi dat suaves
Hortus in Lechi regione clarus
Carpere flores.

xiv. V. D. IOANNI JAROCHOWSKI.

C Resces in Viridianibus
Hortis ingenio tuo.
Ast adsit labor optimus
Fructus eximios feres.

ALBERTVS RAKOCKI.

V. D. MATTHIAE MICHAELI WOLICKI.

Amoris ergo.

S Armaticis felix iam nunc remanebis in hortis
Laurea serta tibi Cracia musa dabit.
Iam qui floriferos monstrasti floridus hortos
Horti tam celebris dulcia poma cape:
Et studijs valeas vt prendere culmen honoris
Herculeos cures perdere mente dolos.
Nunc virtuti tuæ confertur laurea merces,
Pomona hæcq; tibi plurima poma dabit.



AL.

Sub felicissimis auspicijs.

MAGNIFICI, CLARISSIMI,
& ERUDITISSIMI VIRI.

D. L A V R E N T I I
S M I E S Z K O W I C

Philosophiæ & Medicinæ Do-
ctoris. Procancellarij Almæ
Acad. CRAC. nec non Vig-
lantissimi eius.

dem.

RECTORIS.

xxiv. 5. 16.

